

1

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808399865 և 1808404082 որոշումներն անփոփոխ թողնելու մասին

<<3>> 09 2018թ. 17-4-5023

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռուբեն Հայրապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<ԼԵՎ ԳՈՌ>> ՍՊԸ-ի տնօրեն Ռուբեն Հայրապետյանը դիմումով խնդրել է թիվ 1808399865 և 1808404082 որոշումներով ամրագրված իրավախախտումները վերահասցեագրել Նարեկ Հայկազի Դանիելյանին:

Դիմումի ուսումնասիրության արդյունքում պարզվել է, որ Նարեկ Դանիելյանի վարորդական իրավունքի վկայականը, համաձայն ճանապարհային ոստիկանության էլեկտրոնային ռեգիստրի տվյալների անվավեր է: Համաձայն «Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Հաշվի առնելով այն հանագամանքը, որ Նարեկ Դանիելյանի վարորդական իրավունքի վկայականը անվավեր է ճանաչված, վերջինս համարվում է վարորդական իրավունքի վկայական չունեցող անձ, ուստի վերը նշված նորմի համաձայն իրավախախտումները նրա կողմից կատարված լինելու փաստն ապացուցված համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808399865 և 1808404082 որոշումները թողնել անփոփոխ:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռուբեն Հայրապետյանին (հասցեն՝ ք.Երևան, Արագածի փ., տ.81) և ՏՄՀԽԱ կենտրոն:

Կատարող՝ Ա.Տիգրանյան



Ե. Կարապետյան